

黃朱二先生詩錄

劫後僅存



羽校



黃朱氏詩卷

慈利朱氏編



光緒十八年  
孟冬月印行



序

二先生詩錄者門人朱夢庚合安福黃工部岐農慈利朱廣文  
恂叔作錄爲一集者也予旣稍爲編次俾錄之木刻且訖因序  
其端曰始予童子時謁朱先生里居於是知有詩之學及後出  
從外傳則聞有黃先生赫然名詩人也顧不及見僅讀其遺集  
以爲鄉先生能此者類然旣以私求之郡人殊不類匪直詩之  
不類也雖行事亦然予於是蓋歎之自三古選舉之法廢士不  
幸鉏鋤於世飢困逼迫意不自聊往往挾其菽術曰扳援叫號  
於貴勢之門雖負謗訕名侮罵一無所合而不惜豈皆迫於窮  
餓且死有不及待與抑特立者難耳當朱先生貢京師興甯江

序

百漢碑齋

忠烈公與齊年相愛旣而忠烈大貴督兵辦賊名之出不赴胡  
文忠公治鄂軍又連辟之卒不起而是時黃先生亦已棄其所  
官曹司歸方寇之亂也東南諸將帥舉名能禮士士負一技用  
推挽爲大官者皆是而二先生顧斤斤避遠不苟焉以冒榮進  
則豈非當時風氣之厚乎顧僅目之爲詩人已耶今二先生歿  
且久鄉之士文采風流羣相矜尙其陋固若少變然菽精者道  
亡文勝者質病循茲不轉吾又甚爲後來君子懼焉夢庚才而  
向學又勤力於文獻故備論之以闕其沾沾喜名之漸而亦見  
士立身必如二先生而後名詩人爲無媿也光緒壬辰初秋慈

利吳恭亨序

黃朱二先生詩錄目錄

安福黃道讓岐農卷一

殺城項王墓

讀武侯傳

讀史有得

讀史有得

諫臣

義牛行

題吳春谷太守樊籬固守圖

諸葛銅鼓歌爲蔣渭川作

卷一 目錄

采石磯懷古

長平坑

鹿爲馬

大將軍

莽大夫

坐上歎

五丈原

奈何降

弁子三

黃袍加

得天書

過河三

莫須有

施全刀

諸臣誤

姜女行

蒯通故里

鐘室冤

白門樓

洞庭

偶書

三渡易水

黃河

君山

驩兜墓

呈劉中丞韞齋師

北道題壁

嵇侍中墓

潼關懷古

歌風臺

卷一 目錄

湘中別成威閣黎

別尹鍊師

飯僧

贈回雪

將之京國贈薛員外

送魏珪覲省

始忝四座奏狀聞薦蒙恩授官旋進歌詩延英宣賜言懷

紀事呈同館諸公二十四韻

穆天子

廣州重別方處士之封川久約同遊羅浮期素秋而行

卷一目錄

三 百漢碑齋

洞庭遇秋

寄短書歌

王內人琵琶引皓魄翻以下缺

醒起獨酌懷友

競渡時在湖外偶爲成章

卷之二目錄

新荷

初月二首

石瀦一作緒

雲安

石頭城

湖闊一作閣

失鶴

臘夜雪霽一作霽月彩交光開閣臨軒竟睡不得命家一作童

僕吹笙數曲獨引一壺奉寄江陵副使杜中丞

長沙陪裴大夫登北樓

登蒲澗寺後二巖三首

早鴻

旅泊

半醉

卷一 目錄

晝麻一作寢

晚蓮

將之番禺畱別湖南府幕

宵民

吾道

與三山人夜話一作與濮陽夏侯吳三山人夜話

春寒

廣江驛餞筵畱別

桑落洲

杜門

鴉片烟附

慈利朱先敏恂叔卷二

春日田間雜興

送王星農文學還長沙

齒脫作楚呻吟成詩

秋懷和吳巖村

恭亨

均六韻

題五嶽真形圖

寶劍篇

擬古

從軍樂

卷一 目錄

五 百漢碑齋

踏車謠

題醉鍾馗圖

長沙凌蓉第文學自蜀軍枉詩見贈賦此畲之

友人呂新樂府三章索同作

田烈女篇

俗傳蜥蜴是龍親家禁咒甕中祈雨立驗試之果然

宋徽宗畫鷹爲王仰峰刺史

壩作

禱雨詞

雨師

社公

城隍

魏雲山中祀元帝  
旁爲禹窟

九澧龍神

壯士行

夷齊廟

憶友

閱江忠烈公行狀有感

吳道軒達五詩卷題詞

送邢星植孝廉高魁赴胡巡撫軍幕

何薌恬觀察玉菴以扇索書敬賦三律爲先集求序

卷一日錄

六 百漢碑齋

懷人

病中接江岷樵同年忠源代乞曾滌生官詹國藩所撰先

人墓志賦此志感時岷樵落第將爲校官

山齋落成

芙蓉和均

聞警

聞友人殉難涼州

送馮春皋邑侯崑移官道州

經胡文忠公故里

偶成

酸醞

富南甯太守舒受原津時太守護越南貢使入都

雜感

畱別龍山諸生

題黃岐農工部道讓詩刻

寄題蓮花洞爲家琢堂封君咸珪作

贈李生

生字小泉吾年家子乙亥罷龍山司訓有居停誼今攜

其幼子南游過我故有是贈

巖村以近箸見示率題并詠壽言

卷一 目錄

七 百漢碑齋

早起

次韻富康子潤上舍祖澤見壽之作

詠劍

論詩

與胡仙舫別

梨園加官傳是馮道戲題

詠史

宿山寺

卽目

書傳習錄

渡河

楊閣老 地名

誰家

全盛

癸未元日

卷一 目錄

八 百漢碑齋



黃朱二先生詩錄目錄終

黃朱二先生詩錄卷一

慈利朱夢庚

編

安福黃道讓岐農

穀城項王墓

下馬項王墓長嘯生悲風手執鐵如意擊節問蒼穹上下三千載有此幾重瞳憶昔渡河日叱咤氣如虹蛇矛八九動秦軍化沙蟲虜其將而西殺氣滿關中祖龍泉下哭孺子虎口窮斫倒五丈旗掃除阿房宮白骨蜀山兀碧血二川溶磨劍金人頸放馬華嶽峯辣手誅暴秦豈曰非王功六王有魂魄含笑看始終事畢掉頭去畫錦何匆匆雅不喜奇計栢酒釋兵戎色眼無呂

卷一 黃詩錄

百漢碑齋

后苦心有太公此之謂大度能將全漢容背盟者誰子圍之竟數重帳中人如玉坐下馬如龍霸氣猶蓋世高歌先沛豐夜半忽何往漢兵失所從諸侯觀壁上但見一路紅王乃從天下指揮尚橫縱戰罪既已白大事肯朦朧月照烏江水遙與三戶通回首仰天嘆舊夢宛在胸五載草間來天下遂淘淘百王膝行前弄之如兒童一朝時不利大澤困青驄頭顱餘富貴故人慶遭逢丈夫有面目父老滿江東起事天地動結局古今空取代雖不果猶勝隴上傭誰改魯公葬仍還楚王封千載長陵土大抵穀城同成名讓豎子悵殺阮嗣宗龍門作本紀楚漢且并隆亡王天不悔悔生兩英雄

讀武侯傳

三代下無士千載一卧龍聰明如顏子甯靜若仲弓置身周秦  
上抱膝歌黃農俯視孫曹輩奚啻可憐蟲如何不自重容易出  
隆中吳會結唇齒湘水畫西東一戰有巴蜀兩漢呂始終魚水  
西京少大星雲臺空未免行不義教主奪同宗何異王景略佐  
堅首行凶伊呂乃如此笑煞首陽翁好友元直在義當不汝從  
想見采藥人洗耳登高峯紫陽多恕詞據涪肯朦朧一瑕掩白  
璧微滓礙蒼穹至今兩廡祀羣賢禮并隆應笑子輿氏時務似  
欠通齊梁君不遇老見滕文公大哉聖人徒不肯作英雄

讀史有得

卷一

史記前集

二

百漢碑齋

始皇求長生諱死亦其理鎬池璧忽來明年祖龍死使者竟呂  
聞始皇默而已不聞赫然怒獨夫乃如此若在後世臣五字不  
傳矣

讀史有得

曹瞞學文王莽卓非所屑治能亂則姦不肯爲弑逆舉世上尊  
號此老意已決觀其讓縣詞一半屬肝鬲納女三貴人此意欲  
帝識無如帝不信屢次謀誅殛外無更始兵內無奉先戟擊石  
卵先破妻子牽衣泣曹罪因之隆曹防因之密不肯人負我惡  
名漸難惜大事究不行不可亦不必終身稱漢臣好名死猶汲  
指揮漢之靈掃湯臣之力并呂告後人奪矣慎勿弑豈如晉呂

降辣手飛霹靂江河嘆曰下古風百無一豈但忠與良姦雄亦難及

諫臣

若得比干心假呂無極口婉轉批逆鱗惡龍當點首如何伍奢輩妄詆中菁醜暴主殺諫臣厥咎臣亦有更有悻悻徒直名希不朽小事必大爭無地可容紂殺身翹主過兩傷亦何取

義牛行

一牛雅好觸不觸牧牛翁曰者獨歸來腸繞兩角紅兩郎見之駭怒作父仇攻須臾醢之矣慟哭入山中四顧不見人血跡但橫縱山腰臥死虎蹂躪草一叢升高乃見父父具道從容云我被虎銜呼號勢已窮牛怒直奔虎兩角疾如風虎怒亦奔牛棄我如蒿蓬我乃觀壁上二豪決雌雄虎嘯一何暴風偃四山松我牛寂無聲俯首當喉揶中傷虎愈怒人立氣矜隆牛反借虎力白膺飽角鋒透其要害處爪牙威漸鬆猛然一舉頭掉尾落半空千年獵不得一朝牛首終死猶作雷吼至今耳雙聾我困牛竟去想報汝匆匆汝曹嘗欲賣今者誰之功兩郎不能答仰天但椎胸

題吳春谷太守樊籬固守圖

捻賊如蝗至江北半壁襄樊死灰色襄陽太守人中龍然燭夜起談兵客或云盡撤屯樊兵併力來守襄陽城力併則疆分則

卷一 黃詩錄

三 百漢碑齋

弱樊若有失襄反驚太守搖頭指其口脣之不存齒何有長江  
賊與我共之不兼守必無一守城中壯士僉曰然城外風鶴聲  
滿天城大不及一軍膽四門洞開夜不關桓桓大守七尺高手  
中無節腰無刀但憑滿腔詩書氣化作八面龍虎韜維時已過  
重九節水陸千里鋪明月照見刀光滿地來投鞭欲把江流絕  
賊恃其眾目無我太守登陣怒如火曰賊數萬我數千是非以  
死戰不可進則戰死退誅死等死盍爲忠義鬼麟閣慣畫大丈夫  
馬革羞裹兒女子太守軍令如山重齊聲曰諾天地動城下  
殺賊城上觀一夫當百百當千賊初謂如破竹耳突遇堅城乃  
在此犬羊其如樊籬何國有人焉賊遁矣是役大樹有公論半  
由人力半天幸假使不爭一著先今日之事詎可問似此奇功  
古來少胡爲功大官轉小君不見岳家軍出無韓張不忌祇有  
韓蘄王吁嗟乎不忌祇有韓蘄王

諸葛銅鼓歌爲蔣渭川作

蔣君讀罷石鼓歌招我來觀諸葛鼓笑云此鼓類此詩骨重神  
寒音節古石鼓無聲此無詞南陔華黍子其補聞命使我驚背  
汗齋坐小閣對鼓語老韓少蘇時則無小子才薄其奈汝無詩  
依舊向鼓求面壁摩挲半日三五翡翠乾皴琥珀紋蛟螭鬻斷蝦  
蟆股勢壯鎖鈕束半腰氣藏雷霆皤滿肚古鼎菌蠢龍之頭刑  
天臍口目是乳不刻文字世亦驚但觀魄为首盡俯以手擊之

聲隆隆大星不動龍起舞置諸水中音更奇不鏞不鞞不祝敵  
麒麟之韓老鼃皮得其瘦硬去其鹵憶昔武侯初征蠻一鑄而  
成快爭覩大言攻心豈欺人但聽銅鼓一聲舉白雨飛落青山  
頭豺狼化狐狐化鼠一聲孟獲膽已摧兩聲諸蠻氣並沮三聲  
四聲獲果獲七縱七擒侯真武何當一鼓入中原擊丕父子頸  
以組更須再鼓下江南貉奴巢穴次第取凱旋獻俘陳九廟下  
告先帝上高祖點竄前表後表文安排太牢少牢俎到此纔是  
三鼓時淵淵聲裏將罪數誰謀我君偪我后誰附鑪火誰跋扈  
解其孳索夾呂鑕用釁此鼓氣一吐合招九原正平來三搗漁  
陽色猶怒功成作樂開明堂此鼓應在東西序廟前古柏青銅  
柯命製作枹配鐘杵將帥之臣臣則思願君勿忘鉅鹿旅可惜  
天心不祚漢六伐無功老伊呂陰平成鼓夜不鳴益州降旛蚤  
已豎此鼓流落戎馬間奴才棄之等破釜知有一樣銅人淚滴  
向漢宮長禾黍

采石磯懷古

金甲天子腰橫刀黑馬血灑蒼天高膽水殘山如落葉采石磯  
頭風蕭蕭顯忠未至王權走三五零星勢不守書生一呼羣兒  
鷹虹氣十丈掛北斗堂堂大陣重山邱令下戈船水不流部署  
甫定敵已至一人紅旗麾船頭其猛如虎疾如風我軍小卻勢  
欲東時家男兒好身手橫江飛出兩白龍戰鼓聲死江水殷轉

敗爲勝須臾間又報將軍天上下胡兒膽落八公山參軍犒師  
未督戰腐儒守經豈知變時意不爭一著先那堪靖康事再見  
朝廷養兵三十載大功竟出兜鍪外須知虜病如齊桓外貌雖  
疆臟腑壞六十萬眾成解瓦恨不吳山獨立馬請看東京誰家  
居又是何人之天下

### 長平阮

銳頭頭誠可斷爾一人命爭敵四十萬前長平後新安新鬼那  
識舊鬼怨償我頭顱還有一半

### 鹿爲馬

君曰鹿相曰馬相曰馬矣誰敢曰鹿也望夷宮前夜磨刀次第  
殺此曰鹿者

卷一 黃詩錄

六 百漢碑齋

### 大將軍

大將軍真人臣君幼冲臣周公君不敏臣尹君曰將軍成王  
我太甲我有伊周之志則可

### 莽大夫

王方新揚已往縱然存百年長劇秦美新復何求當時子雲原  
有兩紫陽筆如刀二戮真是枉荆軻盜揚雄莽

### 坐上歎

誰無死憾不早死於程大人亦好坐上一歎胡爲來乃爲鋤卻  
千里草

五丈原

虎踞五丈原狼聞色然喜非喜乃其憂日日望虎死死生有命  
可望乎食少事煩何至此大星一落禪臺高懿不幸而言中矣  
奈何降

尙有兵尙有糧尙有一頸熱血可呂洗面見先皇奈何降

并子三

射乃虎斬乃蛟讀乃書放乃刀三害除青天高除兩害何有哉  
除一害文武才吁嗟乎南山清長橋平梁山崩

黃袍加

黃袍加無處躲七歲兒何不可老母聞之喜吾兒素有大志今

如果檢點乃曰諸君誤我諸君誤我

得天書

今日得天書明日得天書天何言豈有書或曰不然理所不有  
事豈無君不見帝賜丞相美酒化爲珠

過河三

臣死矣奈何臣不死河可過臣雖死願過河生臣死臣但知  
過河而已不知其他

莫須有

丞相與撻懶莫須有君王於二帝莫須有若論臣事之有與無  
可問皇天后土

施金刀

誰壞我萬里城誰侮我小朝廷誰忘我兩宮情誅首惡功不成  
將軍死尚有靈龍泉吼風雨聲猶可以斷檜頭破兪膽刺構心

諸臣誤

亡國君果然非亡國臣用者誰亡國臣豈盡皆保國臣孰殺哉

姜女行

肉已腐骨已枯雖則肉腐骨枯猶是姜女未歸夫長城就在咫尺  
望不歸來化爲石何益乎解柳又依依雪又霏霏見郎從此  
去不見郎從此回郎豈不欲回君威如雷解出門別母母牽兒  
衣母勿牽兒衣兒此行與夫同歸解郎何往乎妾來矣萬杵聲

卷一 黃詩錄

八 百漢碑齋

中依稀聽說郎已死郎死矣妾何敢生癡心猶想傳之非真白  
骨堆堆知誰子已到長城又是一萬里細夢中人眼中屍在何  
處妾欲見之靛雲慘慘而下覆風悽悽而上騰一步一哭郎在  
土中驚曰吾妻之聲也闐然郎出矣而城已崩我祇恐趙國四  
十萬人之妻聞之到長平阡齊一聲解蒙將軍如狼秦皇帝如  
虎爾旣上掃二周下捲六王之土地築怨築愁不足而又益之  
巨萬國人肉人骨如灰土恨長城短罪大天小新鬼舊鬼哭終  
古觚爾有鐵鞭不轉我方寸一片石爾有鏡照不寒我萬里一  
身膽爾但知孤人子寡人妻爲爾子孫萬世計豈知堯階三尺  
舜門四闢七十二家雄圖在德不在險嗚乎此意誰使祖龍知

六國無人女子敢解八妻道也臣道也巾幗固無鬚眉亦寡君不見北築未畢龍化蛇鹿化馬子孫血染軹道下百官紛紛逃者九逃降者降誰殉節如女者九解

### 蒯通故里

渡河兵來酈生死未决之禍自此始當時誰實爲此謀一个謀臣蒯氏子蒯氏奇謀天下無豈知天命有歸乎解衣推食不忍背淮陰此處誠丈夫思之數日卒不用鐵石心腸頗爲動青史不得稱純臣相君背面總堪痛妖呂雉忍鄧侯負心亭長眞下流可恨辣手此時偏優柔不斬離我魚水君臣護人頭

### 鐘室冤

卷一 黃詩錄

九 百漢碑齋

釣竿一擲狡兔死手攜亭長作天子王齊王楚不酬勞報呂未央三尺刀天下大勢在三齊過此一步無反時奇冤眞同莫須有龍門微詞十八九可恨叔皮王命論猶與黥布同藉口

### 白門樓

白門樓下催戰鼓白門樓上縛猛虎猛虎雖猛縛苦急回頭猶望轅門戟君爲座上客我爲階下囚獨不一言相救不客聞無言惟點頭眼中漢賊誰恩仇公將步布將騎呂定天下無難事此語誠然客心悸片言殺虎等兒戲由來操非原卓匹能養虎得虎死力欲借一虎滅國賊反爲五虎樹勁敵天下英雄操與君今番輸與劉將軍坐中笑生風雲翦汝爪牙成三分不然

大耳兒亦非癡何惜乎曹阿瞞丁建陽董太師

洞庭

吾生未觀海對此已茫然地贖數峯在天包一水圓餘波成夢  
澤蒸氣接衡煙欲訪神仙蹟岳陽何處邊

偶書

海水化爲酒難消萬古愁誰知李太白可惜韓荊州何日三邊  
靖安心五嶽游人生貴適意豈必定封侯

三渡易水

蹈海無人曰英雄虎口游白虹正西走易水自東流但殺祖龍  
者都非齊豹儔紫陽如可作再與讀春秋

黃河

立馬太行頂黃河眼底橫放開星宿海流斷古長城日月沈無  
色泥沙下有聲須知銀漢水天上本來清

君山

揚帆欲千里纔與此山逢風浪控三面水天爭一峰別來竹有  
淚飛過鶴無蹤明日舟行遠猶聞野寺鐘

驩兜墓

去國三千里凶人罰已終君恩有天大臣罪比山崇今昔華夷  
異幽明渾敦同一朝心未死猶自薦共工

呈劉中丞韞齋師

上柱兼文武中台映楚滇互相爲保障各自仰能賢有脚春重  
至無心月再圓升沉一星運離合半生緣曼倩上書日蘭成射  
策年麟袍初照地犀帶早通天風鶴因西粵皇華阻北燕詔移  
新鐵網博采古楠梗童叟欽山斗膠庠極蟻羶至公消怨讟不  
倦大陶甄嘗立朱陵頂遙賚白雪篇曲高斯和寡廷扣到宮懸  
驢背衝韓甚人前說項偏自慚千里馬恰過九方歎甫備藥籠  
物翻驚甌脫煙文光銷慧宇籌箸靖戈鋌來職條冰冷歸衣一  
品鮮金鉞蒙度盡鐵硯屢磨穿養羽登雲路乘風到日邊龍門  
看鯉過羊角喜鵬騫朽木還雕宰洪鑪更鑄淵或嫌書草草獨  
愛語翩翩肯曰一瑗璧而拋萬選錢金聲誇擲地焦尾許安絃

卷一 黃詩集

十一 百漢碑齋

照得詩人例聊充水部員飛騰因雨化意氣頗雷癩首善饒歌  
舞高冠盛几筵忽驚滄海使報到火輪船老仗和戎絳忠思破  
虜堅鱸葦風瑟瑟駝棘月娟娟鑄錯知同恨蒙塵敢愛便星輶  
方北指雲舍又南還何物元凶肆長將魁柄專依水熱客集向  
火乞兒聯轉盼佻文僂同時錫泰輿敖雖共事方莽絕周旋  
乃有含沙巧爭誇射影先伏波遭蕙苒驃騎毀青蓮市虎成三  
語湖 龍憾九乾彼哉誠坎險命也合迤邐此際諸公處難

禁百慮煎子文無愠色周任但扶顛羣婢其慙矣 重華亦鑒  
焉謂茲何等事豈可想當然癡任吹毛索潭原徹底漣 朝知

可大用羣卜必終全素節 兩宮諒奇誣二邸憐案山千古雪

寃海一朝填錫馬畫三接喬鶯歲屢遷事過公有論誠積謗無  
權吳下量材尺都中馭日鞭先生眞六一弟子竟三千陸氏莊  
偏廢班生行若仙長安居不易醴酒禮猶虔有信聞隆起無書  
問食眠小心嘉似秤大筆夢如椽半壁東南矗長城西北懸惟  
茲三楚化誰代 一人宣穆若臣堪往欽哉 帝自銓水萍蹤  
適聚沆瀣氣如連顏厚災梨棗囊空費槩鉛從來後進藝必藉  
老成傳而況才如命原知鏡是輒齒牙餘力大聲價一登闡北  
海譽恒過寒山石倍妍都成新白首肯忘舊青氈桃李新栽得  
芻蕘盍採旃瘡虧剜肉補病必拔根痊俗儉今非昔民艱後勝  
前剔茲非察察泯怨自平平商白終遺禍陳吳本在田飽饑生

卷一 黃詩錄

十一 百漢碑齋

順逆寬猛費韋弦首惡休開網從愚許蓋愆佛心能伏虎爵目  
敢窺鷲來信蒼生福洵教若輩悛羣奴猶共膽百室屢垂涎保  
甲陽明策連鄉管子編得人方有法階亂本無拳憂樂觀先後  
乾坤賴仔肩願言宏海岱藉答此埃涓

北道題壁

兩年一萬二千里雨雪垂楊在眼中雁與客車共南北日和人  
影互西東桑麻又侶昇平景歌舞猶餘鼓角風每過洛陽頻酌  
酒書生解哭是英雄

嵇侍中墓

又因啟事出山林回首南陔歲月深題鳳門高雲裏鶴詠莪聲

斷廣陵琴餘生雖異王哀志一死終同紀信心血染龍衣知勿  
浣白虹耿耿到於今

潼關懷古

輟耕隴上起狂談拔齒餘威早不堪纔築長城禦西北又驚王  
氣滿東南海中縱有萬年藥天下原無二世男立馬潼關望六  
國英雄虎視尙眈眈

歌風臺

攜歸功狗死頭顱同是驪山亡命徒酒色聲名故鄉大風雲氣  
概本來麤五年亭長爲天子百戰重瞳亦丈夫回首當時斬蛇  
處松林月黑血模糊

卷一 黃詩錄

十三 百漢碑齋

日落芒碭萬馬來百年游子幾登臺當頭龍虎皆王氣滿口風  
雲尙霸才天上弓隨高鳥盡關中門學故豐開長陵遺憾分明  
在月照行宮夜夜回

望海

黃河東折海門開難殺吾曹作賦才魚向雲邊吹雨至風從天  
外捲山來怪他大地幾時沒想到扶桑何處栽一髮中原猶不  
靖仙人端合住蓬萊

厓山

水立雲垂板蕩秋明知不可苦綢繆海中生死爭千古天下存  
亡繫一舟哭抱龍髯難放手笑歸魚腹不回頭迄今潮吼厓山

夜髯鬚當年戰血流

古戰場

平原立馬起悲風十萬生靈喪此中  
月夜有魂尋首領天陰不  
哭是英雄大旗日落青山在  
細雨燐飛白草空野老不知鯨觀  
恨一犁耕出舊沙蟲

歌風臺

放牛歸馬滿家山大丈夫當如此  
還舊澤龍蛇驚劍氣新豐雞  
犬隔函關一篇樂府詩書外  
百戰風雲楚漢間爲爾多情諸父  
老無心擊節唱刀環

涿州謁張桓侯祠

卷一 黃詩錄

古 百漢碑齋

擊馬桃莊望涿州威名猶聽說桓侯  
聲驚老賊無完膽手替將  
軍續斷頭吐哺周旋偏斌媚肉臺  
鼓吹太風流君臣各有賢孫  
在洗盡降旛萬古羞

三垂岡

沙陀虎踞忽回頭遂作唐藩第一流  
洗甲風生汴河水揮戈日  
落雁門秋無君猶守平生節有子  
能誅後死仇忠孝世家言在  
耳如何不用老奴謀

漫興

一夢擎天氣自雄覺來身在此山中  
仍鑽故紙爲書蠹肯向長  
安作米蟲老盡少年非我獨醒看  
醉者有誰同日邊好友如相

問爲道滄浪少釣翁

吳大帝廟

紫髯若用腐儒謀  
早見降旛出石頭  
一面東風雄虎踞  
滿江春水笑龍舟  
文臺不死緣生子  
公瑾如存肯事仇  
蕞爾金陵初建號  
千餘年作帝王州

幽燕道中

月落山高星滿天  
秋風昨夜到幽燕  
孤村似水知民寤  
新法如毛仗吏賢  
河鼓一搖兵又動  
荒雞三唱客猶眠  
每追大錯長歎息  
無事金湯二百年

朱仙鎮

卷一

黃詩錄

五

百漢碑齋

大旗風捲陣雲閒  
班馬蕭蕭落日間  
死怕魂歸蕩陰里  
生常夢踏賀蘭山  
南枝易老將軍樹  
北面難爲宰相顏  
游子不知當日憾  
月明猶自唱刀環

重登岳麓

萬壑風來雨乍晴  
登高一覽最怱惺  
西南雲氣開衡嶽  
日夜江聲下洞庭  
我髮實從近年白  
此山猶似舊時青  
讀書老友今何在  
古木秋深愛晚亭

田橫墓

島上雲橫失大風  
皇孫無愧古重瞳  
千金難買一心馬  
九死猶爲百足蟲  
諸葛渡江誇壯士  
昌黎曠世哭英雄  
如何六代君臣

際都在諸公齒冷中

鴻溝

兩軍風雨散中州  
畫破山河是此溝  
天下竟無共分事  
人間尙有一渠畱  
還鄉游子千秋淚  
結局英雄萬里頭  
我爲二家重酌酒  
興亡齊付水東流

擬老杜諸將四首

錄一

萬里山河百戰秋  
一枰棋局作何收  
民忘甲冑從黃口  
賊與將軍共白頭  
帷幄甯無人借箸  
沙場猶有鬼封侯  
國家養士恩如海  
空付江湖作淚流

北道

卷一

黃詩錄

七六

百漢碑齋

中原沙草白茫茫  
祇隔長河一帶黃  
萬里全憑錢作足  
千年誰見海栽桑  
雁高月黑秋無影  
驢汗霜明夜有光  
輪與扶藜門外叟  
看人南北爲誰忙

武后乾陵

不信君王自有真  
公然揜手擁金輪  
敢追周武前千古  
要作媧皇後一人舉  
國竟無男子氣  
自家忘是女兒身  
右丞空抱回天力  
落筆猶能泣鬼神

靈寶懷古

戰場白骨卧蓬蒿  
曾見哥舒夜帶刀  
相國開門催破斧  
將軍掩淚豎旄旌  
汗流石馬神旗動  
日落潼關鬼哭高  
功過後先難下

筆可憐杜老一吟豪

感事

西南烽火照龍樓  
孔棘猶然屬外憂  
一個錯成千古恨  
連聲舛逼九重愁  
不施絕地回生手  
忍戴皇天與共頭  
我是書生空痛哭  
安危還仗幾諸侯

三題漂母祠

英雄不死賴提攜  
似此功人孰與齊  
說到千金雙眼白  
風高一飯萬鍾低  
宛如再世王孫母  
愧殺兩家亭長妻  
他日重逢長別去  
江淮綠草白萋萋

烏江渡

卷一 黃詩錄

七 百漢碑齋

大王風起陣雲愁  
立馬烏江水不流  
龍虎雄心餘騎盡  
山河壯氣美人畱  
始終自愛生前面  
富貴人爭死後頭  
垓下沛宮歌兩首  
不論成敗各千秋

宋武帝甯陵

五胡擾罷馬牛哀  
蓋世英雄出草萊  
治啟元嘉江左少  
弑傳六代秣陵開  
祖孫各應斬蛇運  
劉項平分戲馬臺  
奏凱西歸兒輩笑  
又擒天子出關來

蔡江門墓

祇少先民齊一死  
其餘都不讓睢陽  
同仇猶有九人者  
厲鬼終誅八大王  
烈士殉城無節鉞  
男兒養母呂烝嘗  
豈知馬革裹屍

地二百年仍作戰場

自贈

說到科名膽尚寒  
敢將九敗笑章邯  
能傳事業輸行易  
忍癢工夫比痛難  
命重原來因有母  
身輕不必定無官  
惟慚泉下諸知己  
青眼曾將國士看

卧龍岡謁諸葛武侯廟

桓桓仗鉞左將軍  
四百年來遇此君  
十倍才應無兩立  
一家人也有三分東  
征不返魚離水  
西顧依然龍得雲  
我到卽歌梁父曲  
招魂萬里可曾聞

倉頡廟

卷一 黃詩錄

十六 百漢碑齋

自公作古意何豪  
記問無功愧我曹  
鑿破人心渾沌死  
掃除繩結記珠牢  
鳥過中國書聲起  
粟灑蒼天鬼哭高  
偶爲帝義添幾畫  
豈知後世等牛毛

銅雀臺

漳河東去水茫茫  
送盡繁華夢一場  
疑殺後人猶有冢  
分殘天下不如香  
老吟樂府高兒輩  
死望溫柔是故鄉  
好友若存喬太尉  
渡江應與說周郎

總帳煙銷霸業灰  
牧童吹笛上銅臺  
生無治世全臣節  
死有眞人惜將才  
十勝功名千古罪  
六朝文字一家開  
也應笑我書生氣  
兩次都爲瓦硯來

吳王宮

闔閭城上望蘇臺兒女英雄安在哉西子屢廊聞鹿走東門眼  
淚作潮來黃池一會春秋了烏喙重亡戰國開百里甬東能不  
受田橫而後此風類

望夫石

望夫石尙存夫今在何處猶生一片雲飛往遼西去

登岳陽樓看雪

四望盡皓然賸得湖一箇君山似釣翁蘆花風裏坐

題樓船渡海圖

海風萬里送樓船看盡魚龍亦等閒一笑夷王空鼎鑊出門已

不望生還

卷一 黃詩錄

十九 百漢碑齋

昭君怨

月夜空歸夢裏魂漢宮春草閉長門可憐西帝畫師血猶是君  
王別後恩

再題朱仙鎮

誰教逋寇又回兵我國人爲敵國營擬向五姦長跪側更添叩  
馬一書生

明思陵

須知大亂本堂堂廉病藥相違況二三孫氏幽囚盧氏死令人不  
敢罪甯南

孤雁

萬里秋風健羽毛  
天涯無侶獨嗷嗷  
俯看一片隨身影  
縱欲高飛不忍高

趙子龍故里

怒馬臨江首欲東  
大仇在北盍從容  
葛家無語法家死  
一諫惟聞趙子龍

讀煬帝紀

五載陰謀大事成  
乃今而後慰生平  
人間一事君知不是  
多太原公子生

斑竹

卷一 世黃詩錄

二十一 百漢碑齋

緒到君山萬个愁  
斑斑依舊映湘流  
原來此淚同文字  
肯付秦皇一火收

圓明園

第一關心是此園  
河梁回首五雲邊  
金烏西去銅駝老  
說到重來總黯然

戲馬臺弔項王及宋武帝

戲馬臺高蔓草荒  
人間又闕幾滄桑  
英雄各有東歸恨  
畱與漁樵話夕陽

湘潭謁塔忠武祠

千軍易得將難求  
殲厥渠魁是老謀  
未入營門公一笑  
手攜龍

虎大王頭

破陣歸來日未西  
帳前萬首一齊低  
姚江功烈雖然好  
難得知  
人老晉谿

卷一

黃詩錄

王百漢碑齋

鴉片煙

天厭輕薄兒災祲難剪戮乃命天驕子辨此腐腸毒其花名米囊一名曰罌粟羣芳列於譜本草詳其目可藥類地榆可蔬等苜蓿一經毒手植殺氣滿園囿萬朵日以高萬生日以促割以昆吾刀終日不盈掬見血但一縷收功爭閃倏取之後春風曝之先秋旭蟻蛭遂成嶺鮮乾乃為鱗豈意蜣螂丸便可封函谷乃有懷土人爭以奇貨蓄似水運箬車如山來海艫更有學圃人種植得真錄其畝宜縱橫播種相水陸從此中國田一半不種菽從此中國燈一半不照讀禁屢張屢弛令忽誠忽督黃金

卷一 黃詩錄

百漢碑齋

爭土價白面溷販鬻萬里芙蓉城

又名阿芙蓉

九州洋藥局

中國諱其名曰

洋藥廣積千閒厦大書五丈燼殺盡可憐蟲砒酖無此酷熟食與

生吞必死分遲速嗟我眼中人翩翩美如玉別來幾何日舊容

已非復肩非鳶而高頭非龜而縮齒黑不瓠犀睛黃但鵠鵠無

喪髮偏長無憂額頻顛見我泣涕連情似哭非哭曰今我疾作

無救藥可服如疴不愆期如潮應臄喉癢爪難搔背痛鞭如

扑懷矣自貽戚膏煎而繭束使吾見猶憐不忍其敵鯁野人與

之塊拜賜出五鹿將以活火煎先以剗藤漉消融渣滓淨迸露

汁漿泆踏土如鎔金著灰如著麩火半武半文沸乍起乍伏蟬

眼魚眼過蜂窠水渦簇戛羹惜餘瀝折鼎防覆餗斟酌陳之盤

有餘藏諸櫝聞香魂已返探湯命可續撒手萬念空就牀如就  
木示我囊中物非發亦非祝茵蠹一丸泥龍鍾三尺竹褫魄博  
浪椎追魂漸離筑半段哥舒橫一竅渾沌樸鐵槍死畱名阿斗  
生受福潤燥驗陰晴輕重徵壽祿渠云此最良曾殺人五六遞  
嬗執牛耳桓文襄莊穆交我作替人千金不許贖夜夜發光怪  
抹洗自忘浴他日必以殉未死將妻囑繞指出寸鐵點漆如膠  
燭炙手信可熟得氣飽於趨忽如長柄蘆忽如飽箭鏃有時香  
破萼鼻觀先恣恣外強知中乾疊單乃得複弄成宜僚共割冷  
希文粥火候本無私百巧出一熟置芥於凹開穿珠通旁竇婉  
轉螺旋文層累塔尖蠹審燄如審的抱管如抱蜀戰止戰方興

卷一 黃詩錄

百漢碑齋

口戕口乃噉紅滿董卓臍青人阮籍矚一炬土更焦纔吹谷已  
煥盤旋以大氣呼吸妙連屬一縷煙千丈一粒香萬斛齊入九  
迴腸腹雷轉輾輻直接君相火下繞尻輪轂煉就丹田丹繞殘  
穀道穀破圍過萬羊火官勝丸煎蝴蝶化爲灰趾離神夢逃若鶩  
鼻端兩白龍搖曳匡廬瀑也覺太熱中蔗漿清暑溽銅柱漸難  
捫手賜以湯沐腸肥偶不通乃學攻心謾多病疏故人無眼惱  
童僕人之爵無算晝夜一齊卜今夕爲何夕風雨色如罽片雲

帳頂黑一燈鬼燐綠榻橫貳負屍枕閣子璋鬪竟有嗟來魄慘  
淡陰風撲主人必獺祭私語作工祝不然其餒而焉能到我腹  
魔去燈始明敲門聞剝啄客來但唯唯傲過王前歎落落偏易

合路人勝骨肉授受左右手揖讓再三瀆三達尊勿論九世仇  
可睦傾吐盡肺腑寶王知誰熟同病最相憐何嫌眇跛秃好友  
過我門敢不足躡躡惟有頻來客乃受我嚙蹴丐以丸死友大  
早逢霖霖每當微醉後紗窗伴斗宿味只夜燈知被任鄂君覆  
渾然理一團仙乎圖一幅夢遊白雲鄉飄飄化蝙蝠眼中無義  
皇何況桑與濮爲鬼亦清高笑見包孝肅豈知紅顏婦遇人嘆  
不淑衣裳都被質羞看嫁時簾別有難言憾不雨占小畜無妾  
吟白頭有夫歌黃鵠去年弄一瓦善哭竟不育今年偶徵蘭底  
事又成殞他日未亡人遺孤望誰族豈知堂上老愛之如舐犢  
一朝少防閑朋掄出家塾那識醜人羊祇謂取斯慮頻來寇已

卷一 黃詩錄

百漢碑齋

深犗牛不可牯窺深避轉巧房中定郊鄔播穀躬方劬避債臺  
已築羽化白銀盃飢嚼黃金屋情形人始知坐看登鬼籙予收  
爾骨焉哭殺老蹇叔而彼偏嗜痂沈浸到醜郁膏育西伯菖痂  
疾左徒菊衝官雀舌茶奴隸鵝黃醪豈無淡芭菰烈矣讓幽馥  
能使剛者柔能使質者縟愚能使高明狂能使誠篤若問味外  
味以言傳者俗我聞不死藥方士欺愚碌露盤興大役紅丸興  
大獄雖癡猶可原生者人所欲是乃死藥也明知而故觸此情  
殊難解君盍爲我告渠亦不能答但唱奈何曲笑指可兒墳誤  
盡非我獨痛憾惡少年賜食竟殺或我出一語商好君將君勸  
盍放爾屠刀立地登天竺曰諾將戒之悔過學淇澳都成門面

語十寒無一曝寄語局外人慎勿迷大麓前車已償轍後車免  
脫輻猩初見甚明牛因風致福與其悔之暮何如遠之夙勿使  
仇家快勿使恩家蹙勿謂父可欺免教子中忍可玩物亦多何  
苦弄桎梏海外有名香何必將臭逐醫病有良藥豈必嶺南蝮  
隄防偶不周愛子誤爲僂病去病乃來有人代賦鵬縱死可成  
仙生未免躊躇宵作拖腸鼠莫舐丹鼎足

卷一 黃詩錄

三 百漢神齋

黃朱二先生詩錄卷二

慈利朱夢庚編

慈利朱先敏恂叔

春日田間雜興

種松四十年已滿一萬本朝采松間苓算拾松間菌可充饌  
糧苓可已疾疢去臘遭奇凍戢戢半已損日光忽穿漏鱗鬣影  
垂盡自顧迫衰殘補種恐難省喜聽園童報竹生幾百筍

山居寡人事戶外百不理春去復春來催人頭白矣幾輩同學  
人窮通變彈指我亦奉弓招輒欲投袂起顧念世局難自量此  
才非暴貴慙實滋奇祐既更倚固應老山中飽我田間米尚懷  
局外憂自笑愚同杞

卷二 朱詩錄

一 百漢碑齋

送王星農文學還長沙

三湘有芳草九澧多幽蘭相憶悲遠道相逢畱古歡結歡復幾  
日片帆挂江干江干楓葉丹江水何漫漫芳草日呂老幽蘭日  
呂殘固知後會少更值行路難慨然傷別離能不涕洟瀾

汎瀾不足道默默遽揮手歸來展君詩長歌不釋口君詩感時  
事如出杜陵叟因之復太息東南尚羣醜濟時才誰優依人計  
終苟試問筆如錐何侶印如斗擬賦從軍詩當作餞君酒

酒亦不可嘗詩亦不可哦側身天地間環顧將奈何師老財自  
匱括借到山阿譬如治標病豈不顧元和卽此奏膚功所傷恐

已多君也跋朱履倘向侯門過爲言民縣磬急驅士荷戈早晚  
聽凱奏庶幾蠲煩苛畱君不能任行矣慎風波

齒脫作楚呻吟成詩

齒欲辭我去我亦不齒畱欲去未去間顧乃與我伏四輔失坵  
麗一線尙維婁直欲弃如唾轉侶戀其儔支離斜插足齟齬疆  
出頭入則與舌難出則與唇踈欲食神早怯欲語字先偷一子  
累全局一輻癡雙轉其剗如砭鋒其橫如角鯨如指有駢枝如  
體有贅疣如翳障在目如骨鯁在喉如馬苦銜箝如魚困中鉤  
如彊悍逐僕反噬更多憂如浪蕩敗子稽脣時不休喚病無名  
狀呼疼無喚咻挫我神氣王累我歲月悠我素甘淡泊豆不戀  
庶羞兼復昧干進鯖不識五侯咬每菜根斷嚼更冰雪投平生  
於齒薄臨別應我尤決然拔去之快當侶去癩壯用老則弃骨  
肉薄馬牛齒疾良速已心疚殊難瘳恆幹苦拘束大化任優游  
安得爪髮脫不復別離愁且復忍斯須黃落自有秋聞諸龍蛻  
難或者我其猶

秋懷和吳巖村

恭亨

均六首

秋風淨眾蕪深林露喬木間綴霜葉紅淡抹遠黛綠懍懍霜雪  
侵禦寒謀百族况茲迫衰殘蚤覺怯森肅搔首仰澄空頽光一  
何速

倦鳥覓蟄穴寒蟬偃高枝微物易棄化火視亦何爲廉馬鼓衰

氣毛施摧淑姿狂風撼窗戶歎息此何時

杜門養衰慵靜中頗悟道心力苦難支嗜學悔不蚤窟穴故紙中志業亦何小顧此性情事具有生氣浩耻爲應侯蟲聊作獨搖草

少壯喜交游垂老多違弃落落素心人間一見存至歎惋耆舊零斯文幾墜地俛念筐篋物代謀劓劓事感激愛不貲敬謝此高誼得失我自知鍼砭爾不媿食馬去其肝饌魚擇其刺赧顏盼千秋低首師一字

閱世七十年夷惠竊自商老拙難爲媚圓鑿不枘方殺人誰信曾騰謗幾獄梁俯首待司隸枯淚呵纍湘詎復假毛羽秋高任翺翔伏釋恩乃銜能毋遲茸傷

卷二

朱詩集

三

百漢碑齋

作詩雖餘事言志託夔臯萬古此江河流派何滔滔存者幾麟角作者九牛毛寒年爲繒續儉腹漑馥膏北地易雄長子公終不豪吾子傑出才努力闢蓬蒿恢廓木天富鑿別巫山高

題五嶽真形圖

尺幅簇擁祥雲紅縹縹日射珊瑚宮瑤戈寶刀爛芙蓉雲冠霞帔峙鸞龍云是五嶽真形圖句漏丹砂工搨摹彷彿禹碑岫嶠字依稀鬼谷勅勒符一圖一注列名字惜哉藹唇棘吻不能呼噫嘻吁五嶽足迹幾人徧五嶽真形更誰見傳聞此圖百靈不逢不若恣游衍會向北海約平禽老我家私早飭斷只愁吾

曹各自有仙骨一去要奪負局先生席

寶劍篇

買劍不惜千金多磨劍不憚十年久三尺之銚七尺驅斗覺胆  
氣大於斗我思此劍初鑄時定有干莫配夫婦秋風颯颯秋夜  
深但恐神物求其偶束之不在欲飛走挂壁時作生蛟吼此時  
魍魎魑魅俱遁逃唯聞啾啾唧唧嘒鬼母吁爾劍兮爾質厚成  
爾功兮當不朽直臣賜得斬佞頭飛將提來梟虜首陸剗犀象  
水蛟鼉龍游於池鳳在藪一飯之恩睚眦區區寄託諒不受  
舉世相遭白眼多枉用其鋒進必苟不如周防君子身尊前常  
與琴書友光芒夜夜騰牛斗何似市門握促隨屠狗

擬古

卷二

朱詩錄

四 百漢碑齋

孔雀木蘭兩樂府天交妙手隻千古閱日蘭亭自不能妄庸何  
物韋元甫

從軍樂

五色旌旗眩日落華屋橫槊作鈴閣將軍下馬氣如虹一曲鏡  
吹馬前作凱歌歸來樂莫樂竄蜀竄楚勢披猖巡徼幸遇黑面  
王巖關丸泥一夫當銜隊健兒氣揚揚斫賊何異斫犬羊醉看  
太白角且芒

踏車謠

帝罰乖龍割其耳謫墮山阿槁項死蛻骨節節銜其尾老農拾

取激江水植向江干龍挂侶躡之巨足龍任使一龍入吸一龍  
起頃刻江水滿田矣赤日炎炎欲剝膚渴不敢飲恐水枯揮汗  
欲添作水儲且踏且歌聊自娛往年踏歌聲酸苦近年歌帶淚  
如雨米貴腹枵不足論一事最難集徒侶自從軍興用招募十  
家九人充卒伍死亡大半存幾人不作達官卽富賈畊作無人  
况謁車備數可憐雜婦女我行湖鄉見牛車只向車旁添橫轂  
橫豎鈕鋸適相當牛運橫轂橫擊豎長大較此數倍過爲勢略  
緩所得多吾人盍不仿爲之機事機心間幾何無守漢陰抱甕  
拙勤和甯戚飯牛歌

題醉鍾馗圖

卷二 朱詩錄

五 百漢碑齋

帽籠劍靶劍挂樹牙笏權爲爬背具先生醉矣萬鬼避酒氣衝  
鬼鬼亦懼此才不遇合牢騷胷中塊壘須酒澆祇愁一石香醪  
沃難把千年憤血消噉盡鬼雄與鬼伯如斯下酒醉亦得借問  
當年登第人何如此際舉杯客吁嗟乎焚將酒籍囚酒星半生  
辛苦爲浮名癡兒忍斷杯中物不值老馗一笑輕

長沙凌蓉第文學自蜀軍枉詩見贈賦此畱之

紛紛眼底今人今粉黛難傾古狂心矯首遙吟淚沾襟美人遠  
在西川曲咳唾隨風惠珠玉光我袍袖字百六幕府側身豺虎  
滿助爾長吟不能短峽蜃一聲腸一斷悲歌忼慨古拾遺生幸  
鄉邦得吾師何日好風吹聚之

友人呂新樂府三章索同作

女妓家事管氏伶人家事亞子倡優都不忘本始迎神送神大  
歡喜一君一相有知顙應泚號稱英雄才子技至此但就兩者  
相科比彼善猶讓天下李夜合之資也充軍國紀五尺羞稱良  
有以何若鮑老郭郎登場尙俊偉宜乎赫赫通衢有廟祀羞殺  
曖昧馨香青樓裏老郎廟

叱咤風霆楚重瞳五年伯業俄成空偉哉咸陽一炬功侈迹廓  
清虎狼雄從此大掠馬首東三秦交與長者漢沛公指日成西  
漢近古釀醇風畱此三字戒千秋火尙紅如何義山猶復咏隋  
宮徒使牧之得擅作賦工阿房宮

卷二 朱詩錄

六 百漢碑齋

白門樓縛猛虎搖尾乞憐虎不如鼠將步將騎語徒豪恩怨不  
明終不武英雄到底不憐汝不見建陽與太師自是英雄眞實  
語爲曹謀卽自爲處何惜爲曹添虎羽若云前此豢虎非其王  
君不見鐵槍豹死朱梁所白門樓

田烈女篇

北山有鳩南山有雝雝巢將成焚巢風惡鳩呱呱且躍泉下  
于飛良足樂一解田氏女楊氏婦女也奚婦之有命自我父母  
女聞之二解况同功之繭製香纓矣共命之鳥繡蟿囊矣

噤之雁飛且鳴矣計日待郎來迎郎胡不待九原先我行三解

病耗纏綿女心憂煎死耗載傳女呼爺號天請必適男氏成禮

柩前翁曰胡可苟難須予往觀女收涕不言四解阿爺歸止女

不見矣叩門呼女如隔濺濺黃河水守義阿爺主之可自主者

唯一死五解時同治九年正月上旬龍山女子田蘭英未嫁夫

死殉以身隔一日從千春饒生啓事徧徵詩文司訓作歌敢告

後人六解

俗傳蜥蜴是龍親家禁咒甕中祈雨立驗試之果然

腰膂已疲土木偶酌醴刑牲罄所有懷寶貪眠奈鼯蟲無計作  
使到兒童傳聞蜥蜴堪致雨不効虎頭能起龍請君入甕羈片  
刻侏僂禁咒繞甕側急我何如急姻私形隔勢禁理亦得果然  
號令如追逋翻盆執到不須史游戲神通固難禁功名際會何  
可誣呼兒仍向故處送開甕空空寂不動神物果能神變化咄  
哉聊復歌飯甕

宋徽宗畫鷹爲王仰峰刺史埔作

刺史宦囊何所有示我絹素不盈手挂向壁閒四座沈秋風欲  
起赤日陰金眸玉爪氣崢嶸八百年來一畫鷹云是北宋天子  
筆谿虎野羊皆辟易一片邊塞蕭颯意如見愁胡顧眄疾我聞  
白雉貢南天又聞白雀巢宮顛明主斥去不爲瑞祇圖幽風無  
逸篇從禽玩物兩所戒茲之畫者胡爲然維昔端邸入主鬯酣  
嬉江山供跌宕良嶽壽山奪天工花石皇綱竭地藏神物采得  
天顏喜寫生還須御筆泚若非天宣聰明才誰能工意兼工倡

官家事事見才華爭奈無才作官家金虜直欲狐兔我海東青  
來恣攫拏破巢毀卵空咨嗟金幣莫填飢嗟奢吁嗟乎五國城  
中風沙惡五國城外連大漠呼鷹躍馬此閒樂鸞翮鳳羽嗟遭  
縛烏頭不白馬不角北狩幾時還京洛吁嗟乎荒淫胎禍無清  
濁君不見李昱書畫衛懿鶴

禱雨詞

望蒼蒼兮九重履搏搏兮四封時訖合兮繫誰功維靈兮昭融  
神變化兮從龍滋液滲漉兮濛濛澤潤生民兮施隆隆雲爲車  
兮風爲馬靈之來兮紛紛而來下飮陶樽兮傾缶瓦惠珠玉兮  
遍野野哺我赤子兮乳潼瀉醉飽兮酣嬉淪吾髓兮洽吾肌無  
忘吾作兮時時歧予望兮勉副之

卷二 朱詩錄

八 百漢碑齋

右雨師

我枌我榆兮萋萋我雞我黍兮絜且豐我田我稼兮仰我公公  
朝出游兮山之北莫來歸兮南陌我畊我耨兮公驅迫我荒於  
嬉兮公不悅忍顧我苗兮膏澤竭奠旨酒兮且多若有人兮頭  
皤皤手鳩杖兮婆娑衰衣博帶兮冠峨峨前蜎鶴兮舞且歌後  
猫虎兮爪牙森羅祐我佑我兮如山河

右社公

零之山兮蒼蒼零之水兮洋洋襟而帶兮我城我隍侯式憑兮  
鞏金湯固吾園兮呵禁不祥盛德高深兮薦馨香月井兮日在

柳仰膏澤兮羣矯首奉幣帛兮唯侯奔走雜椒桂兮進侯酒呼  
且籲兮我父我母侯不言兮默默慘惠顧兮阡陌繪我疾苦兮  
叩帝闕乖龍割兮旱魃馘膏我黍苗兮繫侯之澤報侯玉帛兮  
侯不悅期努力兮崇明德

右城隍

溯明德兮神禹導支江兮荆楚披茲山兮度土割衡嶽兮左股  
前澧後澧兮夾輔峙中流兮擎一柱翕闢陰陽兮百靈主範元  
帝兮正中奉黻冕兮卑宮祖孫一家兮精靈通中有玉檢兮白  
雲封出入風雨兮奉兩龍山兮靈兮一氣融惠遺黎兮無始終  
刑牲走報兮樂歲豐

卷二 朱詩錄

九 百漢碑齋

右隼雲山

中祀元帝  
旁爲禹窟

神變化兮維靈象健行兮佐大生潛且躍兮飛且鳴噓爲雲兮  
大幪幪戰爲雪兮壓蝗螟曠爲雨兮槁苗勃興酌醴兮刑牲匪  
寓于木兮匪燄諸燈東鱗影兮西瓜形湯沐澧水兮惠澧氓挾  
而起兮甘澤盈風清雨止兮識吟聲沈魃鬼兮山之左高無旱  
乾兮下無水甌歌且舞兮靈是安

右九澧龍神

壯士行

東飛鷺鷥西飛鶴出門不揀從軍樂駿馬騰踏要風塵太白看  
看歛芒角

夷齊廟

萬古此西山清風滿兩閒拜瞻逸民廟想像餓夫顏伯叔今猶  
在黃虞去不還尙思薦掖蘇媿我懦兼頑

憶友

山上雲停久梁閒月落遲故交音問斷昨臆死生疑縱使人琴  
在都應齒髮衰悽悽杜陵叟泉路說交期

閱江忠烈公行狀有感

與君相友意豈止爲齊年廿載一爲別千秋輪獨傳發抒因世  
事警異徧時賢出處商量日回頭意惘然

吳道軒

達五

詩卷題詞

卷二 宋詩集

十 百漢碑齋

松圃

袁憲

吾吟友羨君能得師開編先認字把筆蚤知詩幅墨

兼金惜長城短律推中郎宦何處我亦憶鍾期

送邢星植孝廉

高魁

赴胡巡撫軍幕

夙有馳驅志稱心此壯行將軍須揖客戎馬屬書生大戟長槍  
隊輕裘緩帶情輸將民力竭幕府早功成

好友江郎外

謂忠烈公

鄉邦子最親後先棘王事忠烈已斯人大勇

誠爲本沈幾智自神盛名非易副鄭重數看身

何薌恬觀察

玉葵

以扇索書敬賦三律爲先集求序

不泛蘭江棹依稀已十年信風催薛荔卿月照林泉分隔雲泥

遠恩叨樾蔭圓私情與公謹併迨拜車前

世局艱難甚烽塵悵奈何偏方真祜地頻歲有嘉禾谿峒風常  
肅江鄉水不波底能消沴厲端在飲人和

文字因緣舊今茲奉瓣香雕蟲原小技薦席挹謙光尙有先人  
集常懷手澤傷序文惠皇甫感德竝歐陽

懷人

黃葉亂山秋西風上小樓故人無一字杯酒祇生愁搔首心同  
結看雲眼與浮老懷何處寫抱悶日悠悠

病中接江岷樵同年

忠源

代乞曾滌生宮詹

國藩

所撰先

人墓志賦此志感時岷樵落第將爲校官

銘幽文代乞名公直視吾翁卽若翁一字光榮良史筆千金然

卷二

朱詩錄

十一

百漢碑齋

諾古人風何年山斗瞻韓愈此地生徒望馬融說到銜環惟感  
泣翹翹病羽幾時豐

山齋落成

雲與相邀月與期茆齋初葺費支持開門何向見山吉種竹無  
時逢雨宜蟻不能菑泥作壁花兼可采槿爲籬當年二仲如相  
訪聽得讀書聲自知

芙蓉和均

家臨九澧近蘭茆每到花時供碧幢忽憶美人瞻遠道新成豔  
曲落秋江瑞呈瓔珞香殊眾蔭覆鴛鴦帶亦雙欲集紅裳愁日

莫西風催棹木蘭艤

聞警

百年久不見干戈有急唯聞喚奈何道路頻傳風鶴警晦田况  
是旱蝗多兵無鬪志偏能悍賊不殺人終是訛避難都爲目前  
計更誰安樂備行窩

遺患今誰咎養癰爰書局外議原公能馴佩犢帶牛俗那築焦  
頭爛額功種雜獠獠皆赤子運成殺戮豈蒼穹春陵一帶都難  
問可有使君元漫翁

聞友人殉難涼州

西指欃槍殺氣多書生萬里悵如何深源未合束高閣劉秩爭  
當曳落河一障乘邊旋裏革十年銓部憶鳴珂上書可得緹縈

卷二 朱詩錄

三 百漢碑齋

大天道難知壁莫呵

送馮春皋邑侯 崑 移官道州

春陵昔日次山治也是曾經賊擾時在昔公詩示官吏至今我  
誦動肝脾乍離水火懷投母頓起瘡痍臂折醫到此更當廣仁  
術莫令漫叟占浯谿

經胡文忠公故里

斯人此際遽淪亡故里經行劇足傷隱若東南一敵國徒令江  
漢說桐鄉信陵門賸三千士諸葛家唯八百桑我受公恩勝爵  
祿松楸遙望有心香

偶成

此身寄向絮汗間敢詡清流倚在山一任瓊瑜將玉指更無變  
幻比雲閒筆常留拙逃名用檜或吟成割愛刪是處峰巒低已  
甚環看都作險容顏

幾人馳逐競名場頓覺山中氣脈長法可安心要薰沐方能醫  
俗是清涼知章獨識詩仙謫僕射難容醉語狂到處邛峽皆九  
折守身孝子愛王陽

高情但覺昔人深雅意憐才照古今甘耐鞭笞依穎士翻因檄  
討賞陳琳風雲嘯侶鶴鴻志鍼芥通神木石心消盡恩仇公道  
出結交敢遽薄黃金

酸螿

卷二 朱詩錄

十三 百漢碑齋

粗詩濁酒不我娛聊學蜘蛛隱一隅老眼何必俗人白衰顏偶  
傍醉後朱狂風雖疾幽蘭勁明星自餽皎月孤嘗過世味都不  
記記得一莖酸螿腴

答南甯太守舒受原津時太守護越南貢使入都

奴星兩度到蓬廬五馬遙憐使節驅江路久聞梗烽火越人猶  
自貢珊瑚孤城戰守嚴纔解山國崎嶇道又紆尙把故交煩繫  
念人天那識蚤分涂

雜感

亂峰圍繞水雲間日日看山不厭山自笑多情渾忘老祇虞無  
祜可消閒愁隨慧業三生結詩與緜華一例刪稟興偶然親筆

硯吟情澁已倡荆顏

畱別龍山諸生

殘年野性恨難馴半歲無端縛縶紳負氣未能學蟬噤忘機或不被鷗嗔杜陵男子還蕭育劍外布衣復范純舊種畹蘭猶好在從茲黽勉惜餘春

題黃岐農工部

道讓詩刻

史評語錄寓言莊佯作吟情赴腕忙熱血那能忍歌哭冷灰忽爾發馨香怒龍鱗爪皆生氣棘刺獼猴要眼光讀罷哀慵還起舞迨迨一水悵望洋

寄題蓮花洞爲家珵堂封君

咸珪作

卷二 朱詩錄

十四 百漢碑齋

光風遞到五雲箋見示知名外洞天感我同懷泉下友褚小南司馬羨君獨作地行仙山陽笛賦酒壚在鈞鉞記成元李傳蔣徑昔曾爲二仲勝游可補後來緣

贈李生

生字小泉吾年家子乙亥罷龍山司訓有居停誼今攜其幼子南游過我故有是贈

元禮通家謁到門衰翁驚起病眸昏十年常戀寄孥主一笑重摩名祖孫湖嶽英靈盪胸眼圖書刻劃溯源歸攜驥子仍過我勝憶中郎對虎賁

巖村以近箸見示率題并誦壽言

冥子妙年今健者操筆能爲古文章玉筍始萌具節葉晶巖得  
月騰光芒謂所居湖嶽盤薄同所蔭雲龍追逐不可當感我銘

幽壽祖德報以壽言言何長

吾人學古爲塗抹真氣須臾不可捐目儻耳傭安樹立施朱敷  
粉羞嬋娟子能特地進乎技我媿孤天與以年蠶且未僵絲未  
盡尙思持此與周旋

### 早起

早起已見日高春玩蔭徙倚兩三松妄想聊圖白蝙蝠相思偶  
采紅芙蓉藹藹雲停時二六迢迢路阻山萬重安得翩然黃鵠  
舉天風海水蕩心胸

### 次韻龔康子潤上舍

祖澤

見壽之作

圭百漢碑齋

一星偶傍少微明吉日庚寅酒又傾數月出山營宦拙幾番坐

獄污流清謬將薄技動元老

曾文正胡文忠暨左爵相均未識面而稱引過當

未副恩

知慙此生住近騷人遺佩處羨侂蘭芷長菁菁

心懷爲底不衰慵摩頂而翁已是翁挾策少隨名祖後造樓晚

羨哲昆工孟郊早結忘年契鍾瑾兼餘外氏風

謂君外祖汪寶谿文學

勉

子當仁胥不讓何妨名德長慚公

此地山川久鬱光近看鄉望起堂堂瓊林有路須開闢散木不  
材空老蒼附驥尙望重香火登龍儘有大門牆元明文物斯應

盛努力天衢接翼翔

詠劍

不用人不知用亦人不知城上一麾耳已是功成時

論詩

豈無議論詩莫哆雌黃口一變說書家甯南幕中柳

與胡仙舫別

預愁作別易神傷纔聽雞鳴便促裝我正多愁君卧病暗風吹  
雨滿瀟湘

梨園加官傳是馮道戲題

峨冠博帶舞瑳瑳佞骨柔情費揣摩不語侶憑人笑罵好官我  
自得錢多

詠史

卷二 宋詩錄

六 百漢碑齋

疆藩忽上獻錢表黠虜旋來借穀人覆史替他思應付相臣此  
際要才臣

漫言利國定傷民劉晏經營太不倫柳氏婢猶羞買絹可堪市  
道出朝紳

南八男兒一指休雖陽義烈遂千秋賀蘭不救沙陀救誰識陳  
州殉趙犇

嬴秦劫火又蕭梁書有何辜與國亡一目不知忠孝字秀才難  
作况君王

宿山寺

星月荒涼烏夜村  
貪行投宿竟無門  
鐘聲引我尋山寺  
又受如來一夜恩

卽目

鬪雀爭巢望燕捷  
驅鷹護子替鴉危  
許多身世無心管  
卻爲閒情累少時

書傳習錄

講學陽明亦我師  
精金一譬破羣疑  
不論分兩論成色  
堯舜人人信可爲

渡河

南條江水北條河  
太息年來涉險多  
便擬乘槎天上去  
銀潢未

卷二 朱詩錄

七 百漢碑齋

必不風波

楊閣老 地名

耆舊江陵與武陵  
黃扉功罪未分明  
孤臣尙此發祥地  
日夜江濤恨不平

誰家

紈袴誰家大腹豪  
眼中何處置吾曹  
我來夜識金銀氣  
就說光芒也不高

全盛

年來祐德近長沙  
菜圃都成列戟家  
天意特畱全盛地  
安排勛

舊此縣車

癸未元日

癡牛呆女睽雙睛黠鼠饞鴉繞屋鳴一笑助予作詩料元朝有  
句畚新晴

卷二

未詩錄

十六

百漢碑齋

黃朱二先生詩錄卷二終

第 150 号



734